

Թոռ Պատրիարքութեան Դաւիթ եպիսկոպոս գործակից
և վաստակակից նմին, և միարան Ս. Աթոռոյն: Յառուրս
սորա 'ի յորդեւ անձրեւաց տարւոյն, անկան արեւելեան
և հարաւային որմքն Ս. Փրկչի վանաց, և որմն սլարտիզի
Հրեշտակապետի վանաց, և տուն մի կից նմին, իսկ Դա-
ւիթ Պատրիարք առեալ հրաման 'ի դատաւորէ քաղաքին
չինեալ նորոգեաց զնոսա, ԶԱԼ (1580):

Այլազգիք Երուսաղէմի դարձեալ բռնացան 'ի վերայ
ազգին Հայոց, և արգելին զնոսա 'ի գերեզմանէ Ս. Աս-
տուածածնի, և խախնեցին զհոգեւոր պաշտամունս նո-
ցին: Եւ 'ի լինել բանից 'ի վերայ այս 'ի մէջ խաչատուր
եպիսկոպոսի և այլազգեաց, յայտ արարին նոքա զմեծա-
գումար պահանջումն իւրեանց. իսկ խաչատուր չկամե-
լով ունին մատուցանել բանից նոցա, առ ընդ իւր Փիլիպ-
սոս կամ Բանոս եպիսկոպոս զոմն, և դէմ եղեալ գնաց
'ի Թաղաւորեալ քաղաքն և մատուցեալ գիր աղաչանաց
'ի Դուռն արքունի, յայտ արար զբռնութիւնս այլազգեաց
թէ՝ ո՛րպէս զրկեցին զՀայս 'ի գերեզմանէ Ս. Աստուա-
ծածնի. և խախնեցին զհոգեւոր պաշտամունս նոցա,
զոր կատարէին յառուրց անտի մեծին Օմարայ: Գրեցաւ
հրովարտակ առ այս և պատուեր առ դատաւորն Երուսա-
ղէմի 'ի չարութ ունել զստահակութիւնս այլազգեաց. և
տալ կատարել զպաշտամունս ըստ սովորութեան, և զան-
հնազանդան հրամանին՝ ծանուցանել 'ի Դուռն, ԶԶՄ (1584):

Թարգման վանաց Ս. Յակոբայ Յակոբ որդի Մովսէսի,
հրամանաւ դատաւորին չինեալ բարձրացոյց զբոլորակ որմն
շուրջանակի պատուհանին 'ի վերայ տանեաց տաճարին
Ս. Աստուածածնի, 'ի զգուշութիւն մանկանց և անասնոց.
զի մի պատահեսցի վտանգ ինչ. և մի հեղեղք անձրեւաց
հոսեսցին 'ի ներքս 'ի տաճարն, ԶԶՆ (1585):

Այլազգիքն յորէ յորմէ յափշտակեալ զվնաս Սիոնի բը-
նակեցան անդ, ոչ երբէք դադարէին հասուցանելոյ չա-
րիս միաբանաց որք էին 'ի վնաս Ս. Փրկչի: Զի 'ի սմին
ժամանակի դուռն վանաց էր 'ի կողմն հարաւոյ յանդիման
դրան Սիոնի: Իսկ Դաւիթ Պատրիարք կամելով զերծանիլ
'ի նեղութենէ և 'ի բռնութենէ նոցին, առաքեաց առ դա-
տաւոր քաղաքին զթարգման իւր զՅակոբ և յայտ արար